

萬
歷
會
計
錄

舊唐會計錄卷之十八

薊州鎮目錄

屯糧

民運

漕糧

附屯運

鹽引

京運

撫夷

附犒賞

俸糧

附料草冬衣布花

修邊

倉庾

職儲

平鎮餉額

原額

官軍叁萬玖千叁百叁拾玖員名

馬壹萬柒百匹

屯糧壹拾壹萬陸千陸百餘石

民運糧壹拾壹萬石○布壹拾萬疋○綿花壹

拾萬斤

漕糧貳拾肆萬石

鹽引銀壹萬叁千伍百捌拾壹兩叁錢零

京運銀伍萬兩

見額

主兵官軍參萬肆千陸百伍拾捌員名

募土陽新

參千名在內比原額減肆千陸百捌拾壹員名

馬陸千參百玖拾玖匹

比原額減肆千參百壹匹

民運銀玖千柒百參拾壹兩肆錢玖分

漕糧伍萬石

比原額減壹拾玖萬石

京運年例銀貳拾壹萬陸千壹百貳拾陸兩壹

錢壹釐玖毫

連下客兵共肆拾貳萬肆千捌百玖拾貳兩參錢捌分肆釐壹毫

毫比原額增參拾柒萬肆千捌百玖拾貳兩參錢捌分肆釐壹毫

客兵

調遣不常無定數

屯糧料伍萬叁千伍百陸拾捌石陸斗叁升

額減陸萬叁千叁拾餘石 ○折色地畝馬草銀壹萬陸千

肆百肆拾捌兩陸錢叁分陸釐

民運銀壹萬捌千貳拾肆兩捌錢伍分陸釐

山東民兵工食銀伍萬陸千兩 ○遵化營民

壯工食銀肆千肆百陸拾肆兩

鹽引銀壹萬叁千伍百捌拾壹兩叁錢伍分

京運年例銀壹拾柒萬肆千壹百陸拾伍兩伍

分貳釐貳毫 萬曆捌年題將昌平鎮寧夏入衛兵馬行糧料草并春秋兩賞

銀叁萬肆千陸百壹兩貳錢叁分改入薊鎮為灤陽新集土兵支用通共京運年例銀貳

拾萬捌千叁百陸拾陸
兩貳錢捌分貳釐貳毫
○撫夷銀壹萬伍千

兩
○賞軍銀壹萬叁千捌百餘兩

沿革事例

屯糧

本鎮屯制

國初無考景泰中勘出荒地壹萬貳千頃有奇撥為軍民屯計得糧拾餘萬石至正德伍年止得柒千頃有奇一行清查乃得肆萬捌千餘頃中間尚有未經首報者嘉靖末屯糧大約拾萬餘石馬草地畝銀貳萬餘兩迨貳鎮既分薊鎮得其陸永鎮得其肆自隆慶迄今合貳鎮全數與嘉靖間所入畧相等較正德伍年之額則又少

矣

景泰陸年都御史李賓題將勘出荒地柒千陸百陸拾伍頃柒拾陸畝撥軍屯種本部覆

准每軍撥田伍拾畝徵子粒陸石將見在關營軍士以叁分為率存留精壯貳分守關量揀軟弱壹分屯田守城軍士以貳分為率存留精壯壹分操練量揀軟弱壹分屯田委官督種秋成子粒照例上倉

柒年都御史李賓題議沿邊腹裏荒地肆千玖百叁拾叁頃肆拾伍畝未撥屯種查得永平府

所屬壹州伍縣并薊州豐潤王田遵化平谷伍
州縣原選民壯春初務農農隙操練合無每名
撥地壹頃耕種秋成照民田則例上納子粒伍
石本部覆 准

此民屯
之始

成化叁年都御史閻本題處屯糧本部議

准將永平山海沿邊開營軍士量揀軟弱者撥田屯

種月糧住支迤年貳月初壹日赴屯秋成輸納

子粒至拾月收操

是年薊州等衛所屯地共肆
千貳百肆拾貳頃捌拾陸畝

伍分屯糧肆萬柒千壹百貳拾陸石壹斗零屯
草共肆萬貳千陸百柒拾叁束地畝銀共貳千
玖百柒拾伍兩捌錢秋青草銀共壹千肆拾
兩伍錢玖分

軍等壹拾肆管開地共伍百

拾伍頃陸拾畝畝粟糧陸千捌百陸拾伍石伍斗零地畝銀叁兩永平所屬灤州并遷安等伍縣徵民壯屯豆伍千陸百柒拾叁石捌斗零

弘治拾柒年郎中趙鶴題議永豐等倉料草積久腐爛要行折納本部覆准將順天永平等處屯種粟米照舊中半徵收本色外其民壯民納黑豆通計耗脚每石徵銀叁錢肆分屯糧每石徵銀叁錢貳分納穀草每束徵銀貳分伍釐屯軍驛遞等夫採辦秋青草每束徵銀貳分

此屯糧改折之

始

正德伍年尚寶司卿具世卿清查涿鹿等衛喜峯

口等開管屯田共肆萬捌千壹百貳拾壹頃
拾餘畝奉

呈請是這各衛屯田歷年占種盜賣數多今既查出
官豪占種及知情典買不首的依律究治如果情
不得已的田給本主免追原價本軍無力的另撥
附近軍民屯種買主不係官豪情愿認糧的聽從
其便其查出額外地土准定等第納糧其餘衛分
都照這例行欽此量過涿鹿等衛喜峯口等開管
原額并先年消出增銀今次量出多餘屯地共
肆萬捌千陸百貳拾壹頃玖拾叁畝零原額屯

地柒千肆百柒拾頃柒拾柒畝捌分零先年清
出增銀地玖千捌拾捌頃壹拾伍畝柒分今次
量出餘地叁萬貳千陸拾貳頃玖拾玖畝叁分
內除管州左屯衛古北口屯地伍百頃有奇不
係薊州實在肆萬肆千壹百貳拾壹頃玖拾叁
畝有奇外尚有永平盧龍等肆衛未報

嘉靖拾叁年都御史張嵩題查得薊州等衛沿邊
開營原徵解屯糧米豆各伍萬肆千貳百玖拾
伍石零秋青馬草折銀貳千貳百肆拾兩零新
增地畝銀壹萬伍千伍百壹拾叁兩零薊永所

屬州縣原徵解民屯子粒黑豆壹萬陸千陸拾叁石零

肆拾壹年總督霍冀題開薊州遵化等州縣鎮朔等衛民屯糧米柒萬貳千玖百陸拾捌石伍斗柒升黑豆陸萬貳千叁拾石柒升通州等衛屯糧地畝馬草折銀貳萬貳千捌百貳拾壹兩

是年屯糧本色米豆共有壹拾叁萬伍千餘石至肆拾叁年銀數同其本色止得糧玖萬壹千

肆百餘石

肆拾肆年總督劉燾題薊永分鎮薊得陸分官軍叁萬貳千壹拾陸員名馬騾陸千陸百壹拾

伍匹頭本衛屯糧米豆肆萬貳千肆百貳拾柒石貳斗伍升共折銀壹萬玖千玖拾貳兩玖錢柒分折色地畝馬草銀壹萬柒千叁兩貳錢柒分零

本年題 准將興州後營州後貳屯衛屯糧貳千壹百壹拾伍石捌斗肆升分撥密雲鎮肆拾伍年增出屯糧陸石叁斗添入額數

隆慶元年該鎮額徵本色屯糧米豆伍萬叁千伍百陸拾捌石陸斗叁升折色屯糧銀肆千捌百貳拾兩叁錢新增地畝銀壹萬叁千壹拾玖兩

肆錢貳分秋青草銀貳千伍拾叁兩捌錢

至肆
年同

伍年御史余希周條陳尚書張守直議

准將梁城守禦千戶所屯糧地畝銀貳百玖拾兩貳錢肆分零改撥密雲鎮

萬曆元年侍郎汪道昆題尚書王國光覆

准將營州左屯衛原解本鎮銀肆百陸拾兩零改撥

昌平鎮

貳年郎中高世雨呈稱該鎮屯米貳萬叁千捌百伍石陸斗肆升屯豆貳萬玖千柒百陸拾貳

石玖斗玖升屯糧地畝馬草銀共壹萬柒千壹
百玖拾叁兩伍錢叁分

陸年郎中甘來學呈稱該鎮額徵屯糧粟米貳
萬叁千捌百伍石陸斗肆升屯黑豆貳萬玖千
柒百陸拾貳石玖斗玖升屯糧地畝馬草銀壹
萬陸千肆百肆拾捌兩陸錢叁分除水衝沙壓
拋荒等項止實徵米壹萬玖千捌百陸拾陸石
貳斗豆貳萬伍百捌石捌斗叁升銀壹萬肆千
肆百貳拾玖兩玖錢壹分壹釐

本年總督梁夢龍題請復屯糧以實邊倉本部

後議薊鎮衛所關管額徵屯糧舊例壹半納
壹半納豆至隆慶伍年因邊倉米多豆少隨將
屯糧盡改為豆每米壹石折納豆壹石肆斗經
今數年各倉豆積有餘米復不敷合將薊州等
拾衛所將軍等拾肆關管額徵屯糧自萬曆陸
年為始照舊米豆中半徵收以後年分如遇積
米數多仍聽督撫等官臨時酌處

柒年巡撫張夢鯉冊報陸年分屯糧貳萬叁千
捌百伍石陸斗肆升豆貳萬玖千柒百陸拾貳
石玖斗玖升內糧叁千肆百柒拾壹石肆斗伍

升陸合豆玖千貳百壹拾石肆斗捌升柒合係
節年水衝沙壓栽樹創窯應准除豁之數屯草
陸萬叁千玖百肆拾壹束伍分折色銀伍千壹
百壹拾貳兩玖錢叁分零地畝銀壹萬貳百肆
拾捌兩陸錢玖分柒釐捌毫零新開荒地銀捌
拾陸兩壹錢壹分捌釐貳毫

捌年郎中王錄邊儲簿報屯糧粟米貳萬叁千
捌百伍石陸斗肆升黑豆貳萬玖千柒百陸拾
貳石玖斗玖升地畝馬草銀壹萬陸千肆百肆
拾捌兩陸錢叁分陸釐

民運

本鎮民運有山東布花廣平保定府濶布順天等府稅糧馬草皆景泰而後節年所加派其全額俱不可考自嘉靖拾肆年及叁拾壹年始載額派及加派之數山東河南順天等府本折所入共銀拾伍萬米豆貳萬陸千有奇布壹千陸百疋有奇肆拾肆年除分永鎮外得各省府銀陸萬壹千捌百兩有奇隆慶間又加添大名保定及薊州等肆處銀共壹萬玖千柒百餘兩此其大數也萬曆紀元山東河南銀議解部轉發

其徑解本鎮者止有順天等府薊州等處銀貳萬捌千兩有奇耳遵化民壯山東義兵銀又不在此數

景泰貳年本部會議題 准遮洋船每年順帶德

州庫綿布壹拾萬疋綿花壹拾萬斤運赴薊州

庫交納

自後布花
定為例

成化拾叁年給事中李謙題該鎮歲入民運稅糧
永平叁萬石順天捌萬餘石

貳拾壹年主事任弘呈稱遮洋船漕運德州倉
布花要隨就近倉糧上納本部題

准照依定撥倉分在豐潤縣納糧者布花就於豐倉
交收在薊州納糧者布花就於薊倉交收免致
官軍往來之勞

弘治玖年郎中王鉞呈稱永平山海等陸處官軍
遠赴薊州支糧不便要行就近地方關領及將
永平順天原派薊州馬草改納折米約有肆萬
餘石仍撥運本色肆萬接濟足穀上半年支放
其下半年陸箇月仍赴薊州關領折色本部議
准永平稅糧貳萬玖千石俱免起運薊州每石量加
脚米肆升共叁萬石就留本處倉上納其應辦

馬草叁拾萬及順天草貳拾萬除各納本色拾伍萬束仍運薊州外其餘每束折米伍升共米壹萬石運赴永平倉贖支

馬草折色自此始

止德拾叁年郎中陳惟藩呈稱歲入山東河南并順天永平稅糧柒萬肆百餘石

嘉靖元年都御史孟春題稱薊鎮錢糧缺乏乞將順天府上納京場草束改納薊州倉本部覆

准

肆年本部題 准將薊州東路灤河等驛馬草每束折銀貳分伍釐徑解薊鎮上納

本年議將遮洋船順帶山東布每疋折銀叁錢
共銀叁萬兩花每斤折銀陸分共銀陸千兩俱
解運山海庫交納

布花折銀
自此始

陸年直隸廣平府申稱該府起運薊鎮保定府
庫潤布捌千叁百疋永平府庫貳千柒百疋俱
本色每被庫吏人等刁勒且搬運腳價所費甚
多乞要折徵銀兩本部覆

准每疋徵銀叁錢解部轉發該庫交收給軍支用共
銀叁千叁百兩

玖年郎中康河呈稱歲入山東河南并順天等

府坐派山海喜峯口貳倉糧料折銀貳萬捌千
叁百貳拾貳兩零山東并順天真定大名叁府
坐派永平庫布花折銀肆萬伍千陸百兩山海
倉糧貳萬叁千玖百玖拾叁石貳斗捌升每石
捌錢喜峯口倉糧柒千玖百貳拾石每石玖錢
黑豆貳千伍百石每石捌錢共銀貳萬捌千叁
百餘兩綿布壹拾叁萬叁千玖百疋每疋折銀
叁錢綿花捌萬壹千伍百斤每斤折銀陸分共
銀肆萬伍千陸百兩

拾肆年額派山東米麥布花銀伍萬貳千伍百

玖拾兩河南銀伍千壹百貳拾貳兩陸錢順天
府銀肆萬叁千陸百玖拾玖兩陸錢廣平府銀
壹千叁百叁拾兩河間府銀壹千伍百柒拾兩
保定府銀叁百柒拾捌兩大名府銀肆百兩永
平府本色米豆並脚米貳萬陸千壹百陸拾壹
石肆斗肆升布絹草折銀玖千壹百玖拾伍兩
壹錢叁分真定府本色綿布壹千陸百貳零并
銀壹拾壹萬叁千捌百捌拾兩零本色米豆貳
萬陸千壹百陸拾壹石零本色綿布壹千陸百

足零

自此至叁拾
年大約

參拾壹年郎中宋守志議添新增軍馬糧料布
花本部題准照數入山東河南北直隸起運
稅糧內加派銀叁萬陸千肆百貳拾柒兩肆錢
徑赴本鎮交納其餘不敷仍於派剩折銀內支
給

此項民運乃額外加添自

此至肆拾叁年大約同

肆拾肆年薊永分鎮本部議准該鎮應得各
省府民運銀陸萬壹千捌百貳拾陸兩壹分山
東綿布花絨折銀肆萬柒千伍百伍拾陸兩玖
錢河南粟米綿布花絨折銀伍千叁百壹拾肆
兩貳錢陸分河間府粟米黑豆折銀壹千捌百

伍拾捌兩廣平府綿布折銀叁千貳百壹兩叁錢大名府黑豆折銀肆百兩順天府馬草折銀叁千肆百玖拾伍兩伍錢伍分

隆慶元年議增大名府銀肆百伍拾壹兩保定府

銀肆百捌拾伍兩肆錢

連舊額該銀陸萬貳千柒百陸拾貳兩肆錢壹

分後俱照此例納

伍年督撫劉應節等題主軍倉庾寫遠負領艱辛本部覆 准將薊州遵化等肆州縣解京稅糧馬草子粒等銀俱徵本色改赴本鎮沿邊倉場上納其舊日京運及協濟銀兩即於太倉應

發年例銀內扣抵

萬曆元年侍郎汪道昆一議遵化左營舊有濬薊各州縣赴練民兵叁千名初分為貳班今合為壹班計壹千伍百名每名議給工食銀拾貳兩欲要盡行裁革每歲定徵工食銀壹萬捌千兩解赴該道以供軍儲於內舊有家丁頂民壯名缺肆百陸拾柒名仍留在伍則改給行月貳糧使與民間不復相涉○一議山東民兵壹枝共叁千名內馬兵壹千名每名匹歲收工食料草安家銀共肆拾兩步兵貳千名每名工食安家

銀貳拾肆兩近該督臣題 准減馬步兵各伍

百共計壹千名徵解工食銀貳萬肆千兩以供

薊鎮募兵之用今議盡數退單各工食銀兩每

馬兵壹名匹每年徵解銀貳拾陸兩通共歲徵

解銀伍萬陸千兩以供邊儲○一議直隸各府

州縣民運原隸總督衙門聽令照舊追解外其

河南山東民運銀共伍萬貳千捌百柒拾餘兩

行令徵解太倉照數發邊本部覆 准

內遵化
左營民

壯銀壹萬捌千兩至叁年總督楊兆容議分永
平壹萬貳千陸百壹拾捌兩密雲玖百壹拾捌

兩本鎮止得肆千
肆百陸拾肆兩

貳年督撫楊九等會題覆 准仍將薊州等肆
州縣稅糧馬草子粒等項改徵折色俱赴本鎮
交納

本年郎中高世兩呈稱該鎮歲入順天等府民
運銀玖千柒百叁拾壹兩肆錢玖分薊州等肆
州縣稅糧馬草銀壹萬玖千叁百肆拾肆兩伍
錢肆分外遵化山東民兵銀柒萬肆千兩
內約 同

陸年郎中甘來學呈稱該鎮歲入順天等府民
運銀玖千柒百叁拾壹兩肆錢玖分薊州等肆

州縣稅糧馬草銀壹萬捌千捌百貳拾貳兩捌錢伍分陸釐遵化民壯銀肆千肆百陸拾肆兩

山東民兵銀伍萬陸千兩

捌年郎中王錄邊儲簿報順天等府民運銀玖千柒百叁拾壹兩肆錢玖分薊州等肆州縣稅糧馬草銀壹萬捌千貳拾肆兩捌錢伍分陸釐

漕糧

本鎮漕糧成化中遮洋總運叁拾萬石內陸萬石留天津貳拾肆萬石運薊州皆本色也弘治初始有改折之議尋多尋寡互為增減總之不越貳拾肆萬之數嘉靖肆拾肆年薊所得者本色拾萬石折色捌萬石萬曆初以折色捌萬改解太倉名兌軍銀次年又以本色伍萬改撥通倉據今漕糧本色解薊鎮者止伍萬石耳間以邊事告急或議它運則額外之數也

成化拾貳年叅議李寬題本部覆

准將遮洋運糧量添至貳拾肆萬石照舊薊州倉上

納

遮洋總原運漕糧叁拾萬石內將貳拾肆萬石運薊州陸萬石運天津自後定為額

拾玖年郎中官廩議處倉糧本部覆

准將原運漕糧貳拾肆萬石內撥拾萬石運豐潤縣
新設倉拾肆萬石仍運薊州倉

正德伍年都御史劉聰題議改撥漕糧本部覆

准將遮洋原運本色米壹拾萬石內改豐潤縣倉肆
萬石遵化縣倉貳萬石薊州倉止運肆萬石各
衛所本折兼支

玖年都御史王偉題議漕糧本色不敷本部覆

平特海運糧仍派本色貳拾萬石薊倉上納其餘肆
萬石派折色續題荒鎮缺乏本部覆

准匱運通倉米拾萬石至水平給散

本鎮匱運自此始自後凡言匱

運者俱出漕糧額數之外

嘉靖肆年都御史孟春議添折色漕糧本部覆

准改折拾肆萬石止徵本色拾萬石

拾貳年御史聞人詮復議添折色本部覆

准改折拾捌萬石止徵本色陸萬石

叁拾年本部會題增募軍士數多地產本色數

少將遮洋船運糧仍改本色貳拾萬石折色肆

萬石

本年都御史王忬議請客餉本部覆

准它運臨德貳倉米貳拾叁萬石作銀壹拾玖萬貳千伍拾兩抵發年例銀兩之數

叁拾壹年直隸巡按李邦珍奏要將大寧都司所屬春秋兩班挑選精壯軍貳萬捌千玖拾肆名內將捌千玖百陸拾肆名定作春班壹萬玖千壹百叁拾名定作秋班每名月支行糧肆斗共該加添糧伍萬陸千壹百捌拾捌石本部議將臨清倉寄囤米改撥伍萬陸千壹百捌拾捌

石運薊州支給以後年分聽漕運衙門於原額

通泰等倉糧內照數撥用

此在本鎮漕糧貳拾肆萬額外之數

叁拾叁年總督楊博咨議班軍行糧本部題

准除運薊鎮壹萬貳千壹百肆石柒斗外其餘運昌

密支用舊議薊密永叁鎮班軍行糧共伍萬陸

千壹百捌拾捌石俱運薊州轉發照郎中宋守

志所撥除薊州該壹萬貳千壹百肆石柒斗照

舊轉運外密雲該叁萬肆千捌百壹拾壹石捌

斗昌平鎮該玖千貳百柒拾貳石伍斗俱比照

小灘至臨清事體每石量加脚耗由通州大路

運至昌密支用

參拾肆年本部議 准該鎮漕糧復徵本色拾萬石折色拾肆萬石內捌萬石每石折銀捌錢陸萬石每石折銀陸錢共折銀拾萬肆千兩
參拾柒年總督王忬題 挖運漕糧以濟兵餉本部覆 准將天津漕糧摘撥壹拾貳萬石作銀壹拾貳萬兩又挖通倉黑豆壹萬石作銀陸千貳百兩

奉年郎中宋守志議補河南扣留漕糧先該參拾貳年河南巡按霍冀題稱該省災傷本部議

將漕糧本色米內扣_○參萬石改折賑濟此
係薊倉上納之數乞議抵補本部覆 准發銀
壹萬捌千兩抵補扣留之數

肆拾肆年薊永分鎮本部議 准將山東河南
海運糧共貳拾肆萬石內本色拾萬石折色拾
肆萬石該山東河南各納米萬石內貳萬石每
石折銀陸錢伍萬石每石折銀捌錢通計共銀
拾萬肆千兩內除伍萬陸千石撥赴永平鎮折
銀肆萬壹千陸百兩去訖該鎮應得本色米拾
萬石折色米捌萬肆千石每年貳省均解銀參

萬壹千貳百兩實共銀陸萬貳千肆百兩

自後俱照

此數

萬曆元年侍郎汪道昆題本部覆

准將該鎮漕糧兌軍銀陸萬貳千肆百兩改解太倉
上納本色漕糧仍舊

貳年總督楊兆題薊倉本色積貯數多折色不
敷要將薊州等州縣民運本色來年盡改折色
漕糧減發伍萬石本部覆

准自參年為始暫准徵收折色仍容漕運衙門將原
派本色漕糧拾萬石止撥發伍萬石其餘伍萬

石運赴通倉上納候折色有餘再議更正

參年郎中高世雨呈該鎮漕糧本色伍萬石

陸年

陸年

鹽引

本鎮鹽引天順以前無考成化而後多者貳拾餘萬引少者拾餘萬引或間歲一發或數年不發原無定額嘉靖庚戌之變軍餉歲增始議引鹽抵充年例遂派兩淮長蘆鹽伍萬餘引計銀壹萬叁千伍百捌拾餘兩定為額嗣是或增或減微有異同迨經制既定數仍舊焉

成化玖年叅議李寬題稱倉糧數少本部覆

准開去淮浙存積鹽貳拾壹萬柒千壹拾引

拾叁年奉 准開長蘆存積鹽柒萬引每

引糧米伍斗六叁萬伍千石

拾陸年御史奚名題開河東餘鹽本部覆

准分撥薊州永平各肆萬引

此開餘鹽之始

正德拾壹年給事中安金題稱朶顏叁衛夷人入

境搶掠議修邊備本部覆

准開兩淮鹽伍萬

肆千叁百玖拾叁引長蘆鹽拾叁萬伍千柒百

柒拾伍引共價銀伍萬兩

拾伍年本部題

准開殘鹽拾伍萬引作銀肆

萬伍拾兩備主客兵支用

嘉靖貳拾玖年御史趙鏜題本部覆

開兩淮水鄉鹽玖千壹百肆拾玖引壹百斤長蘆
折布鹽肆萬伍千叁拾叁引共銀壹萬叁千伍
百捌拾壹兩叁錢零

此為定額

叁拾年巡撫吳嘉會題議停止鹽引本部覆
准將兩淮鹽改派宣府長蘆折布等鹽今本運司召
商上納

叁拾柒年御史萬民英題開鹽糧以濟缺乏本
部議 准自叁拾捌年為始每年將改派宣府
兩淮水鄉鹽玖千壹百肆拾玖引壹百斤長蘆
折布鹽肆萬伍千叁拾叁引共銀壹萬叁千伍

百捌拾壹兩叁錢零仍派該鎮客兵支用

自隆至隆

慶元年
俱同

隆慶貳年鹽屯都御史龐尚鵬條陳議減開中將
淮鹽米分常股開中存積叁分暫行停止本部
覆 准止派兩淮常股鹽陸千肆百肆引壹百
叁拾斤長蘆鹽叁萬壹千伍百貳拾叁引貳拾
斤計該銀玖千伍百陸兩玖錢肆分零專備客
兵支用

肆年巡撫劉應節題本部議 准復開存積叁
分仍足壹萬叁千伍百捌拾壹兩叁錢伍分之

數伍年

陸年郎中鮑文縉呈稱額派兩淮水鄉鹽玖千壹百肆拾玖引壹百斤商人不願報中本部題准將宣大貳鎮鹽引數內易換長蘆鹽貳萬貳千捌百柒拾叁引壹百伍拾斤仍足原額萬曆元年貳年數俱

萬曆貳年總督楊兆題本色積貯頗多折色不敷以本年為始要將本鎮鹽糧暫改別鎮俟折色有餘再議更正本部覆准

本年郎中高世雨呈稱該鎮歲入鹽引銀叁萬

壹百叁兩玖錢貳分伍釐

叁年郎中高世雨呈稱該鎮歲入鹽引銀肆千

肆百捌拾肆兩

因總督楊兆題將鹽引改永平改派款

陸年郎中甘來學呈稱該鎮歲入鹽引銀壹萬叁千伍百捌拾壹兩叁錢伍分

京運

本鎮京運嘉靖以前無例也或壹貳萬或叁肆萬歲間一發旋即報罷其定為例主兵自嘉靖貳拾壹年始歲發叁萬後又增募軍銀伍萬肆千伍百有奇客兵自嘉靖貳拾玖年始後費至貳叁拾萬或肆伍拾萬迨嘉靖末議為經制萬曆初本折通融始有成規可守今計主客尚叁拾餘萬山東河南民運與漕糧折色銀俱在其中也

正統捌年本部奉

旨題查薊永糧料不敷准發銀壹萬兩分送遵化密

雲羅買糧料備用

此京運之始自後至崇泰伍年歲除去歲約銀二伍千兩

景泰崇年本部題

准水平舊擬發銀壹萬今蘇

松等處連年災傷停免帑銀缺乏將原數減半

止發銀伍千兩

自後至成化初年或減發或全發大約不過壹萬兩

成化拾伍年都御史汪霖題稱永平官軍遠赴薊

州支糧不便本部覆准發銀貳萬兩送永平

羅買

是年增發銀壹萬兩以後伍年不發

貳拾壹年都御史彭韶題永平山海喜峯等處

官軍俸月糧坐撥薊州倉關支不便乞照先年

都御史江霜題 准事例發銀貳萬兩

軍俸月等糧每銀壹兩准米叁石每米壹石折

銀叁錢剩銀壹錢留作搬運喜峯口等倉糧之

費本部覆

准發銀壹萬兩

武拾貳年同弘治元年不發

弘治貳年郎中王楫呈請年例本部題

准發銀貳萬兩

自弘治正德間多開鹽引接濟京運銀少發

正德玖年都御史王倬題稱虜衆近邊調取遼東

遊兵叁千往山海永平駐劄議將原領糴買糧

草銀玖千兩借支本部覆

准先儘見在倉糧

給散不敷准令主兵銀內動支

拾年都御史王倬題稱賊虜殺傷官軍調到遼東兵馬分布義院口缺乏糧草本部覆

准發銀肆萬兩備客兵支用

遼兵入衛始於致年然猶取資主餉至此始議

客兵京運自後歲發不一亦無定額

拾壹年都御史李賓題稱朵顏參衛夷人反覆不常添調遼兵防守議處糧料本部覆

准發銀叁萬兩

拾貳年兵部咨稱虜賊大營出套通行各邊預備糧草本部題准該鎮發銀叁萬兩

自此至嘉靖拾

年俱無請發

嘉靖拾壹年兵部咨稱邊房擁衆入邊

勅差總兵張輓征討議發隨軍糧餉本部題奉

聖旨任邊錢糧查有數多太倉銀准動支壹萬兩通

融支用仍發備賞銀叁千伍百兩欽此

自後至貳拾捌年歲

請密餉或壹貳萬或叁肆萬或間歲壹發或叁肆年不發

貳拾年總督題稱漕糧折色太多要行量復本

色本部議准漕糧改折已久似難輕變合自

貳拾壹年為始歲發銀叁萬兩與漕運相兼支

用

此年例定額之始自此至貳拾陸年數俱同貳拾柒捌玖年未分

貳拾玖年連減大舉入犯咸寧侯仇鸞會議廣

積糧草本部覆 准差官領銀各鎮糴買分發
薊鎮銀貳萬兩

參拾年都御史吳嘉會題貳拾玖年薊鎮新募
軍士捌千柒百玖拾貳名加添馬玖千貳百壹
拾陸匹又歲添各關營墩軍夜不收行糧及密
雲鎮召募抽架改撥軍士玖千陸百壹拾貳名
候領馬完日另議外通共該本折銀叁萬叁千
捌百壹拾陸兩壹錢叁分除本年發銀外仍候
參拾壹年會計將歲支銀增入額數本部覆

准

本年都御史王忬題議薊鎮客兵衆多糧餉不敷本部覆 准發銀壹拾肆萬兩

參拾壹年本部題 准添糧料布花不敷銀伍萬肆千伍百伍拾兩捌錢捌分俱於浙江南直隸應解太倉派剩折米銀內動支連年例共該銀捌萬肆千伍百伍拾兩捌錢捌分

參拾貳年本部題 准發客餉銀伍萬兩
參拾肆年都御史吳嘉會題

請客餉本部議

准發銀貳拾伍萬兩

是年本鎮官軍每月糧

料月銀陸萬壹千貳百餘兩又有東昌府河馬蘭石門等處官軍往來巡禦應付

以萬計故發米增至伍
拾叁拾伍陸年大約同

叁拾柒年侍郎王忬題急缺客兵錢糧本部覆
准空運米拾貳萬石作銀拾貳萬兩空運黑豆壹萬

石作銀陸千貳百兩工部借發銀貳萬兩共拾

陸萬陸千貳百兩

自此至卅拾年歲空運米豆
拾餘萬石抵充年例叁拾捌

玖年大
約同

本年侍郎王忬題新募昌密遊兵壹萬伍千名
歲該銀柒萬伍千兩查得河南入衛民兵叁千
名通免入衛歲徵工食銀柒萬兩抵解支用乞
預發銀兩接濟候解到之日抵補本部覆募軍

銀兩原非本部應給節奉

欽依與兵部均出或量出參分之壹今預借銀陸萬兩應照紫荊倒馬關均出事例戶兵貳部各出銀參萬兩以為募軍之費待河南解銀到日照數扣還

參拾玖年總督許論題本鎮災傷積欠數多歲用不敷本部覆准例外發銀陸萬伍千兩

外請計之始連年例布花共發銀壹拾肆萬玖千伍百伍拾兩零

本年會計邊儲本部題准客兵錢糧以參拾玖年發數為準該銀貳拾玖萬兩暫將通倉稞

米揀完肆萬石准銀肆萬捌千兩餘容陸續補

發

至肆拾年人補發銀捌萬兩

肆拾年總督許諭題稱衝疲重鎮急缺軍士布

花等銀本部覆准例外發銀貳萬叁千叁百

肆拾兩

連年例糧料布花共發銀壹拾萬柒千捌百玖拾兩

肆拾壹年總理糧餉侍郎霍冀題為兵餉有餘

敷陳地方敝狀本部覆准發主兵銀陸萬捌

千貳百兩客兵銀伍萬柒千貳百捌拾兩貳錢

肆分

肆拾叁年郎中李遷梧呈稱加支閏月銀貳萬

玖千伍拾兩柒錢新召家丁標遊兵馬銀

肆百兩零本部覆 准添發銀叁萬陸千肆百

伍拾壹兩零

連年例糧料布花共發銀拾貳萬壹千肆兩

本年總督劉燾題該鎮客兵歲用糧料草束折銀共肆拾肆萬叁千玖百柒拾玖兩貳錢叁分本部覆 准薊鎮較上年會計之數加增數倍內募家丁見在捌百餘名扣筭本折銀壹拾伍萬兩實據見在應用之數止該銀壹萬壹千柒百餘兩山東民兵應入密雲會計又多開銀貳萬玖千貳百餘兩不宜重發合無酌議發銀貳

拾柒萬陸千壹百貳拾貳兩叁錢伍分

肆拾肆年薊水分鎮本鎮該京運銀肆萬壹千

玖百伍拾叁兩柒錢陸分自叁拾壹年會計原

增募軍糧料布花銀伍萬肆千伍百伍拾兩捌

錢柒分共捌萬肆千伍百伍拾兩捌錢柒分內

分永平貳萬捌千陸百柒拾貳兩捌錢玖分客

雲壹萬叁千玖百貳拾肆兩貳錢貳分餘俱留

鎮薊本年會計客兵錢糧總督劉燾題嘉靖肆拾叁

年兩防官軍共用過粟米伍萬壹千貳百壹拾

玖石黑豆柒萬肆千壹拾陸石穀草壹百捌拾

萬陸千壹拾玖束大小折乾銀共壹拾萬玖千

貳百肆拾肆兩貳錢今肆拾肆年兩防以肆拾
叁年用過之數為準及查各項應補應增銀共
壹拾陸萬肆千捌百壹拾壹兩伍錢陸分零乞
要給發本部覆 准內有鹽引事例銀貳萬玖
千伍百捌拾壹兩伍錢
肆拾伍年尚書高耀題定經制發主兵銀伍萬
陸千叁拾捌兩客兵銀壹拾柒萬陸千肆百肆
拾捌兩肆錢以後年分視此為準不許額外加
增 自此至隆慶
貳年俱同

隆慶叁年總督譚綸題本部覆

准增巡撫標兵軍馬捌百名匹行糧料草本折銀壹

萬伍千貳百叁拾柒兩叁錢陸分併入客兵年
例通共該銀壹拾玖萬壹千陸百捌拾伍兩柒
錢陸分陸釐

肆年郎中李承選呈稱本鎮近因民運稍裕原
派叁年分京運銀伍萬陸千叁拾捌兩未領乞
要給發本部覆 准止發肆年分銀兩照經制
之數

萬曆元年侍郎汪道昆題議酌定該鎮額餉本折
伍拾柒萬貳千壹百壹拾兩陸錢主客通融本
部覆奉

聖旨是該鎮兵餉既議有定額都依擬行以後不計

紛紛再議增減鈔此

此主客通融之始

本年本部題發年例除該鎮歲入并支剩外仍發銀貳拾伍萬貳千肆百貳拾貳兩零補足伍拾柒萬貳千壹百壹拾兩陸錢之數

貳年總督楊兆題預借年例接濟軍餉本部查得該鎮歲入本色甚多折色頗少上半年應放本色不即區處却將折色銀兩給放下半年應放折色輒稱銀兩不敷且本色壹石原估柒錢折色原估止肆錢上下若議改放每石填額銀

貳錢伍分有餘共損壹萬餘兩以此理餉安望

參年陸年可當壹年之需既經奏討相應題

請發銀肆萬兩候萬曆參年題發額餉照數扣除

本年郎中高世雨呈稱題發過該鎮主客年例

銀參拾壹萬貳千伍拾捌兩

內有客軍銀兩自九年議定解部轉

發以後大約同

陸年郎中甘來學呈稱題發過該鎮主客年例

銀參拾捌萬玖千肆百玖拾參兩壹錢伍分

捌年郎中王錄邊儲簿報發過該鎮主客年例

銀參拾玖萬貳百玖拾壹兩壹錢伍分肆釐零

俸糧

俸給則例

鎮朔管州右屯遵化東勝右忠義中興州左前
屯開平中屯寬河守禦各衛所指揮使月支糧
壹石上半年月支折俸銀貳兩貳錢貳分捌釐
伍毫下半年月支壹兩叁錢陸分○指揮同知
月支糧壹石上半年月支折俸銀壹兩柒錢壹
分肆釐貳毫下半年月支壹兩玖分○指揮僉
事月支糧壹石上半年月支折俸銀壹兩陸錢
下半年月支壹兩叁分○正千戶月支糧壹石

上半年月支折俸銀壹兩下半年月支陸錢貳分○衛鎮撫與副千戶同月支糧壹石上半年月支折俸銀捌錢捌分伍釐柒毫下半年月支伍錢陸分○實授百戶月支糧壹石上半年月支折俸銀陸錢伍分柒釐壹毫下半年月支肆錢肆分○所鎮撫與試百戶同月支糧壹石上半年月支折俸銀伍錢肆分貳釐捌毫下半年月支叁錢捌分○以上官員如調赴關營管事者俸銀照舊折色糧照邊軍折色銀數明註冊內俱在本衛造支如撤回及發回該衛各照在

衛舊例關支敢有隱冒者并掌印官俱照侵欺
違糧事例問罪○經歷月支糧貳石上半年月
支折俸銀肆錢貳分捌釐伍毫下半年月支叁
錢貳分○知事月支糧貳石上半年月支折俸
銀肆錢下半年月支叁錢伍釐○吏日月支糧
貳石上半年月支折俸銀叁錢壹分肆釐貳毫
下半年月支貳錢陸分○令史月支糧叁斗上
半年月支折俸銀玖分柒釐壹毫下半年月支
伍分壹釐○典司吏月支糧叁斗上半年月支
折俸銀肆分下半年月支貳分壹釐○武舉月

支本色糧參石係指揮千百戶仍支原職俸糧如年老有疾革任閑住等項應支俸糧照例全半支給原加米參石截日住支如軍民舍餘中式武舉果係年老有疾革任閑住通不准支給敢有隱情冒支并該衛掌印官各照侵欺邊銀事例問罪○老疾官月糧折俸俱支壹半○優給官月糧折俸全支○故絕官妻支月糧不支折俸○立功官不支糧俸○以上各官如有犯罪革發回衛閑住年老有疾等項有該全除或半支者并隻身幼軍等項例支肆斗伍升或參

斗俱聽兵備道行該衛嚴查不許混造冒支若
應開除而不開除應半支而全支或應支叁斗
或肆斗伍升而混冒別項多支者并該衛掌印
官各照侵欺邊糧事例問罪○薊州等倉庫大
使副使見任者月支糧貳石折俸銀叁分貳釐
守支倉大使副使月支糧壹石伍斗折俸同其
庫官支折色價值與在衛例同○各倉攢典見
役者月支糧伍斗守支者不准

主兵月糧則例

各衛所隨薊州遵化貳守備城操軍在衛守城

門舖軍擺堡軍擺船軍雜造局軍并雜差正軍
月支糧陸斗非係正軍者不准混支陸斗○隻
身軍月支糧肆斗伍升○紀錄幼軍雜差餘丁
每月大盡支糧叁斗小盡貳斗玖升其辦料餘
丁及營州右屯衛辦料軍盡行革除○神木黑
窪廠南海子軍月支糧肆斗查果在京應役者
京通支給在邊應役者邊倉支給如有虛名而
無實役者俱不准支○遵化鐵冶廠做工軍匠
看廠軍月支糧陸斗軍匠加口糧叁斗看廠軍
加壹斗伍升民匠并貧囚月支糧叁斗內民匠

止支半年○以上月糧上半年支本色如木色
不敷與下半年俱支折色每石一例折銀肆錢
○馬蘭谷松棚谷太平寨參路營哨并所屬將
軍營黃崖口寬佃谷大安口羅文谷洪山谷龍
井兒喜峯口董家口榆家嶺擦崖子各守提下
尖哨并通事月支糧壹石幫支壹石○夜不收
月支糧壹石加支叁斗內所加糧大盡准叁斗
小盡貳斗玖升其本折隨正糧支○戰臺軍照
密雲事例月支正糧壹石不准加糧○墩軍月
支糧壹石每年柒月至拾月每月加支貳斗○

操守軍塘撥軍家丁尖兒手勇壯遵化三屯操
車軍兵各月支糧壹石○紀錄幼軍月支糧伍
斗○瞭哨犯人每月大盡支糧叁斗小盡貳斗
玖升係正軍不支 督守空心敵臺千把百總
係武生舍餘選充者在臺各月支糧壹石撤下
住支係南兵及營軍選充者各有本等工食月
糧在臺無 巡撫標兵遵化遊兵總兵標下三
屯左右各營軍士募兵家丁月支糧壹石○三
屯中營通事月支糧壹石幫支壹石夜不收月
支糧壹石加支貳斗○巡撫標兵營選調各州

縣民壯民兵并家丁頂充民兵每年各該
豆并工食每名共派作銀壹拾捌兩各抵充
糧○調操各路尖兒手并標下中軍聽差通事
夜不收軍牢箭手及存操新軍與總兵標下調
操奇兵尖哨勇壯操車募兵各月糧如有常川
調操聽差者照余御史新題事例各營另冊送
兵備道付管糧衙門查覈坐放本營截日住支
仍將收除的日先呈管糧衙門知會或係更番
輪撥差操時日不多者各在本衛所造支○三
屯守備下城操軍准月支糧陸斗如自城操而

選入各營者明白收除不許混冒其上下半年
本折價值當與各處城操相同但稱該管地方
與腰裏不同姑准照依邊營一例支給○以上
月糧舊例上半年支本色如本色不敷每石折
銀陸錢伍分下半年支折色每石折銀肆錢伍
分近該督撫具題本部議覆上半年應支本色
分別營路離倉遠近改折准將松棚太平貳路
開營巡撫標兵遵化遊兵三屯左右中各管支
薊倉本色壹箇月折色伍箇月馬蘭壹路開營
支薊倉本色肆箇月折色貳箇月折價改擬每

石折銀米錢下半年折價仍照舊例如荒年
貴多給本色豐年米賤多給折色聽從各軍所
願不必拘定原議月分其改折止為營路邊軍
此外在衛食糧守城城操窯廠等軍輕閑差役
俱照舊例支給不許一槩援以為例
主兵兼食行糧則例

巡撫標下中軍官日支廩給粳米伍升行料草
戰馬肆匹征調加支行糧家丁肆名○聽用舊
有陸百陸拾員名今定伍百肆拾員名內聽用
將官不過壹拾伍人原任副總叅遊者各日支

粟米叁升支行糧家丁叁名行糧料草馬叁匹
原任守備者各日支粟米叁升家丁貳名馬貳
匹各官如奉委赴邊督工造炮等項止在標下
收造其廩給丁馬不許在外重支○旗牌官不
過貳拾人各日支粟米叁升丁馬各壹名匹○
答應官舍武舉生分為貳班每班不過貳拾伍
人各日支粟米叁升丁馬各壹名匹跟隨出巡
書吏騎用并馱載卷箱馬騾叁拾捌匹頭料草
准照舊常支○聽差有馬通事每班肆名各在
該管路月支糧貳石無行糧有馬夜不收每班

伍拾名內在該路食壹石者全支行糧食糧壹石登斗者加壹斗伍升通事夜不收下馬匹支行料草俱下班住支如支行料草之日原路月糧草開除有馬快手每班壹拾捌名各原有工食銀貳拾柒兩行糧料草俱不唯支烏銃教師并無馬家丁伍拾貳名行糧在營全支折色軍牢每班貳拾名在城無行糧出外日支粟米壹升有馬箭手吹鼓手柒拾叁名匹餉馬騾軍叁拾陸名俱在城無行糧料草出外方唯收支巡撫標兵營遊擊隨驛日支廩給梗米伍升戰

馬肆匹征調各加馱馬肆匹○中軍坐營各准
日支粟米伍升正馬壹匹征調加馱馬壹匹○
千把總各准日支粟米叁升正馬壹匹征調加
馱馬壹匹○百總准日支粟米貳升正馬壹匹
○以上正馬有係常支料草者有止支月糧草
者俱照本營舊例○旗總車正日支粟米壹升
伍合其百總旗總車正行糧應照常支與調遣
全半關支者俱與所管軍一例○聽差答應官
係濫設合行革除○民壯民兵兩名併為壹名
民兵歲得工食銀壹拾捌兩民壯連子粒豆亦

歲得工食銀壹拾捌兩較之他兵頗為優
糧本應量革俱稱官徵私討數多拖欠且係題
請准支今姑准在管之日各兵行糧全支折色征調
本折間支馬匹料草仍舊每年上半年陸月下
半年拾貳月放班休息各行糧料草截日住支
○標兵營募軍共計有柒百餘名行糧料草查
經題 准合今在管之日行糧全支折色征調
本折間支馬匹料草仍舊○本營兩防調操各
路有馬尖兒手伍百名匹稱係策應諸路之兵
查經題 准給與行糧料草并三屯營調操勇

壯充作標兵俱係一例行糧料草合准仍舊但
春防定以肆箇月日秋防定以伍箇月日其餘
日期不許多支內尖兒手撤防住支 遵化遊
兵營遊擊隨驛日支粳米伍升戰馬肆匹征調
加馱馬肆匹○中軍坐營各准日支粟米伍升
正馬壹匹征調加馱馬壹匹○千把總各准日
支粟米叁升正馬壹匹征調加馱馬壹匹○百
總准日支粟米貳升正馬壹匹○以上正馬有
係常支行料草有止支月糧草各照本營舊例
○旗總車正准各日支粟米壹升伍合其百總

旗總車正行糧應該常支與調遣全半關
俱與所管軍丁一例○舊額軍馬不支行糧料
草調遣照百里內外例全半支給其馬匹如在
春冬月糧仍截日扣除月料草○操車馬日支
料叁升草壹束係常支○存操新軍在遵化不
支行糧赴邊造炮不分遠近日支粟米壹升伍
合如分發本提調下者不准支○薊鎮總兵標
下中營總兵官隨驛支廩給稷米伍升親丁叁
拾名戰馬壹拾伍匹○中軍官日支粟米伍升
戰馬肆匹征調加家丁肆名○把總日支粟米

叁升正馬壹匹征調加馱馬壹匹○百總准日
支粟米貳升正馬壹匹○以上有係常支行料
草有止支月料草各照本營舊例○旗牌官在
營日支粟米壹升伍合出百里之外支叁升各
止馬壹匹○家丁親丁日支粟米壹升伍合在
營全支折色出征之日仍本折間支各丁下馬
匹果係將官隨任帶來者解送該道印烙明白
方准照舊常支料草如係搶兌營伍軍下馬匹
止支本等月料草不許冒支行料草○各路調
來打造軍匠日支粟米壹升伍合停工住支○

雜流軍并馬在營不支行糧料草調遣照百
內外例全半支給其馬匹如在春冬月分仍截
日扣除月料草○總兵下食糧官生標下隨帶
聽用官生雖非正項額設之數皆係練兵必用
之人但丁馬行糧為數頗多不無糜費合定千
把總壹拾肆員各日支粟米叁升家丁貳名正
馱馬貳匹○武生貳拾伍名各日支粟米叁升
家丁壹名正馱馬貳匹其餘雙糧并空丁空馬
名色俱行革除及查此額官生係今增設如以
後人數缺少止給見在不必取盈亦不許援為

額例○標下調操各路尖哨既食雙糧其行糧不准支給○總兵標下奇兵管奇兵千把總日支粟米叁升百總日支貳升正馬壹匹○奇兵係選調各路尖夜原支月糧貳石并中營通事俱日支粟米壹升伍合官兵下馬日支料叁升草壹束通事常支奇兵回路休息住支○三屯車營把總日支粟米叁升正馬壹匹征調加馱馬壹匹○三屯車管募兵行糧查該營見在募車兵壹百貳拾玖名俱在各路頂缺食月糧壹石內玖拾伍名原不支行糧叁拾肆名常支行

糧壹營軍士難以異同且人數不多合行
行糧止准一例造支月糧○調來各路瞭哨人
犯原係充徒罪因在營拉車充役以與在墩守
哨無甚艱苦止准原支月糧叁斗不許再支行
糧○以上官兵下馬日支料叁升草壹束○三
屯左右管遊擊隨驛日支稷米伍升戰馬肆匹
征調加馱馬肆匹○中軍坐營准各日支粟米
伍升馬壹匹征調加馱馬壹匹○千把總准各
日支粟米叁升正馬壹匹征調各加馱馬壹匹
○以上正馬有係常支行料草有支月料草各

照本營舊例○管家丁百總旗總係充選者准
各日支粟米壹升伍合家丁并兩防調操勇壯
日支粟米壹升伍合勇壯撤回住支家丁行糧
在營全支折色出征之日本折間支各家丁下
馬匹查照總兵標下家丁例行○本營舊額軍
馬在營不支行糧料草遇調照百里內外例全
半支給其馬匹如在春冬月分仍截日扣除月
料草○馬蘭松棚太平三路叅遊守備日支廩
給粳米伍升各關提調日支粟米伍升其三路
區將各行料草戰馬肆匹守備提調各月料草

正馬壹匹龍井兒守備舊有常支行料草馬
貳匹合行革除○本鎮各路塘撥官俱無行糧
惟馬蘭塘文和原革除督臺官生據稱喫緊
倚賴委原任糧價在臺千把百總多係南兵
及本處官兵選充各有本等工食月糧此外間
有取自本地武生舍餘頂缺關支月糧者議欲
革支月糧加給行糧似欠均平合行酌處除武
生舍餘原有頂缺支糧者仍舊外合准兩防之
日不分南北千總各日支粟米叁升把總各日
支粟米貳升百總各日支粟米壹升伍合俱撤

防住支有警之日千把總各加正馬壹匹支行料草事緩即止○家丁日支粟米壹升伍合准在營全支折色出征之日仍聽本折間支各丁下馬匹查照前例行○太平寨叅將下共有家丁貳百叁拾壹名與原題召募事例數目不合相應照數裁正准留家丁貳百名其餘革去不許一槩濫支行糧○塘撥軍馬原係兩防關支行糧近年間有改為常支據議減給口糧停革馬草恐貧軍不堪合准奉防定擬叁箇月日秋防定擬肆箇月日照依舊例支給行糧日支粟

米壹升伍合料叁升草壹束撤防住支其貳叁
拾月主兵項下馬匹月料草明白扣除不得重
支○修臺匠役日支粟米壹升伍合停工住支
○腹裏薊州遵化三屯營各守備隨驛日支稷
米伍升○以上廩給除隨駐劄附近驛分關支
自有定例外其行糧稷米俱係折色粟米料草
欸開本色者支折色餘俱本折間支稷米每石
折銀貳兩粟米每石折銀陸錢貳分壹釐料豆
每石折銀肆錢折色大乾草每束折銀壹分柒
釐每年柒捌玖月馬匹牧青本色小乾草每束

折銀壹分叁釐其改支標兵家丁折色每石照
依定價陸錢貳分壹釐支給

馬匹料草則例

馬蘭松棚太平三路遵化標遊三屯左右中營
除標兵民壯民兵家丁下馬并操車馬支行料
草外其餘常操軍下馬騾除夏秋貳季牧青外
春冬陸箇月支料每匹月大盡支玖斗小盡捌
斗柒升春叁箇月支草每匹月大盡支叁拾束
小盡貳拾玖束內有征調馬及各路塘撥馬并
調赴遵化三屯操練勇壯尖兒手馬如在春冬

月分支行料草者月料草截日扣除○三屯營
守備下差操馬除夏秋貳季牧青外春冬陸箇
月支料每匹月大盡支玖斗小盡捌斗柒升其
春季舊支草束查得馬匹既屬城操之數難引
征調之例不准支給○薊州遵化貳守備城操
軍下馬除夏秋貳季牧青外春冬陸箇月支料
每匹月大盡支玖斗小盡捌斗柒升無草○以
上各馬匹料草與各軍月糧壹處造支以便查
考其料豆冬叁箇月給折色每石折銀貳錢伍
分春叁箇月給本色如本色不敷照例折支其

草每束折銀壹分柒釐

客兵行糧料草則例

額派河南領班都司宣府入衛遊擊駐劄馬蘭路保河民兵遊擊天津領班都司駐劄松棚路大寧河南定州忠順營領班都司駐劄太平路俱兩防捌箇月支行糧料草如三路遊擊都司廩糧每月支粳米壹石伍斗○中軍千把總每月支粟米玖斗係宣府入衛者粳粟間支○百總管隊官每月支粟米陸斗係宣府入衛者粳粟間支○河南定州百總旗軍天津百隊班兵

保河車正旗隊民兵大寧軍士宣府入衛旗軍
俱每月支粟米肆斗伍升○正馱馬軍丁馬拽
車騾俱每月支料玖斗草叁拾束大乾草柒箇
月小乾草壹箇月○大寧春防係都司支料草
肆箇月內小乾草壹箇月秋防係遊擊支料草
肆箇月料并大乾草俱本折間支小乾草全支
折色○太平路回營拽車騾除兩防支赴班料
草外陸柒拾貳正共肆箇月應與三屯新軍喂
養每頭支料玖斗草叁拾束大小乾草各貳箇
月俱折色○以上廩給行糧粳米每石折銀貳

兩粟米料草除支本色外折色粟米每石折銀陸錢貳分壹釐料每石折銀肆錢大乾草每束折銀壹分柒釐小乾草每束折銀壹分叁釐
南兵糧料工食則例

統領馬松太參路南兵副總兵都司歲支粳米每月壹石伍斗○中軍官督造軍火器械并練兵傳烽領兵守臺千總歲支工食每月銀叁兩○領兵管臺把總歲支工食每月銀貳兩壹錢○百總教師兵夫歲支工食每月銀壹兩伍錢內管臺百總兩防捌箇月每名每日加工食銀

壹分○副總兵都司中軍千把百總馬副總兵都司下金鼓旗幟等馬歲支料草每月支料玖斗草叁拾束本折間支草支大乾草玖箇月小乾草叁箇月料豆大乾草本折間支小乾草全支折色則例與上同

冬衣布花則例

馬蘭谷松棚太平叁路遵化標遊三屯左右中軍旗軍家丁每名支布叁疋○三屯營守備下城操軍士月糧既與各處城操一例布花亦當相同以後每名支布貳疋花壹斤捌兩如有城

操而選入各營者准支布叁疋○紀錄軍每名
支布貳疋花壹斤捌兩○標兵營民壯民兵與
家丁頂當者無布花○薊州鎮朔營州右屯遵
化東勝右忠義中興州左前屯開平中屯寬河
守禦各衛所總旗城操軍雜差正軍并喜峯口
吉城驛軍每名支布貳疋隻身軍并紀錄幼軍
每名支布壹疋花各壹斤捌兩○鐵冶廠做工
軍匠無布花各衛空名辦料軍士餘丁布花與
月糧一體革除以上布花係折色者邊關一例
布每疋折銀貳錢伍分花每斤折銀陸分如在

本年正月至柒月新收者各扣布壹疋其在捌月以後新收者俱不准支前項應支布花俱隨月糧造支以便查考仍聽兵備道嚴行各營路衛所分別旗軍城操紀錄幼軍隻身等軍多寡實數開造不許混冒如應開除而不開除及應支壹疋貳疋而混頂別項多支者并掌印官各照侵欺邊糧事例問罪

弘治伍年郎中王鉞呈該鑲布花支放不敷要行折給本部題 准將薊州庫貯銀內折給布壹疋折銀貳錢伍分花壹斤折銀柒分給軍自買

拾貳年郎中何文縉呈稱夜不收劉友春等父祖相繼隨軍常操照例應給布花本部題

准自拾叁年為始照邊軍事例轉行順天薊永關支正德貳年密雲後衛指揮周禎等奏稱本衛官員折俸絹鈔錠赴京庫關支不便要照興州左前後屯鎮朔等衛事例坐撥薊州關支本部覆准行薊州管糧郎中自本年為始照例給散

嘉靖柒年巡按御史張祿題稱邊軍關支月糧利歸姦商官軍不受實惠要將海運漕糧屯糧米豆存留各倉以備荒旱其各省每年解到錢糧

行今上納折色按月給軍不拘春秋貳季每石
給銀伍錢伍分又該巡撫汪玉郎中王廷梅會
議漕屯等糧存留備荒則折色不敷放支合將
海運貳拾肆萬石內拾萬石派本色拾肆萬石
改派折色其各該巡撫解到本折糧銀通融給
放本部覆 准薊倉海運糧米折放西路官軍
月糧各省解到民糧貯各關營以備緊急其海
運民納折色銀兩通融放支東中貳路官軍月
糧照今次所擬在邊者本色月分每石給銀伍
錢伍分折色月分每石給銀肆錢伍分在衛者

不拘時月每石給銀肆錢

拾叁年管糧郎中袁淮呈稱按伏兵馬冒支在
營月糧本部覆 准前項按伏兵馬關支行糧
其本等月糧照依按伏之數截日住支今却造
冊不行開除開領不行扣留是壹人之身壹月
之內兩處支糧今後但遇報有聲息出兵按伏
截殺之日先將人馬數目造冊總兵官用印信
明文送撫按巡關衙門及本部管糧郎中處查
明方許動支其該支月糧查照出兵之日住支
事完回營方許照舊開支不許仍前重領以滋

茲冒查出指實叅究

拾柒年御史楊照芳題稱軍職犯賊扣俸准
多致朦朧冒支本部覆 准通行問刑衙門如
遇軍職有犯扣抵銀徑行管糧官知會照數扣
除不許重復冒支

貳拾肆年郎中歐紹說請給募軍月糧本部題
准本鎮召家丁壹千柒百叁拾壹名照逃軍數目頂

補按月支糧

本鎮原額軍士伍萬叁千玖百餘名逃亡事故陸千伍百餘名守墩

架炮壹萬玖千伍百餘名見在止有貳萬柒千捌百餘名老弱不堪尚有拾之貳叁馬原額壹萬玖千叁百貳拾貳匹見在壹萬肆千柒百捌拾伍匹內老羸不堪亦有拾之貳叁前項逃亡

事故軍數令特召募軍丁頂備月糧照收補數
月給散或有事故即行開除不許一併冒支

戴拾陸年本部題 准通行督撫等官備查各

衛所軍官未曾出幼者照例支優給半俸年伍
拾以上者即令子替中間年老有故不行告替
以文書到日為始各該俸糧照所擬止給一半
贊畫官令其自備鞍馬飯食料草不許動支驛
糧果能奮勇報效者候有功績督撫紀功官具
奏陞賞

貳拾玖年都御史王汝孝題稱馬蘭谷太平寨
燕河營密雲肆路墩軍晝夜辛苦議添月糧本

部覆 准正糧外各添貳斗馬蘭谷等處

不收照密雲例再添壹斗

夜不收舊例密雲壹斗馬蘭谷等

參路支貳斗至是同

參拾肆年總督王忬題稱將該鎮主兵調守百

里之外者全支行糧其參肆拾里及陸柒拾里

之外准令半支壹貳拾里不准支給尚書方鈍

議得主兵防守自有本等糧餉調出始為客兵

大明會典開載

舊制須出百里之外方得支給行糧百里之內無分

里數多寡原無支給之例但防秋正鼓舞人心

之際合將薊州密雲昌平一帶官軍征調遣出
百里之外者准全給行糧伍拾里以外者係防
秋之日果有賊勢壓境晝夜擺守間日一支若
稍緩及非防秋之日即行停止伍拾里以下者
離家不遠省令自備糧餉不准支給若果與賊
對壘相持事勢急迫不能供送間支者暫准全
支不支者暫准間支賊退即止奉

聖旨是欽此

參拾柒年薊州兵備副使伊介夫呈稱灤東軍
士月糧往薊州倉關鎮不便乞行議處本部覆

准將永平所屬并玉田興州左屯等處

糧并折草等銀俱聽永平府徵收給散

士

先是郎中唐順之議於永平添設倉司未經
允撥至是復有此議亦屬永平分鎮之折也

參拾捌年總督楊博題議薊密昌三鎮主兵月

糧舊例上半年支本色下半年支折色每石折

銀肆錢伍分馬料止給冬春貳季夏秋不准支

給似為不便本部覆 准本折隨宜兼支無得

拘泥常例石門寨等區不拘上下半年全與折

色馬料防秋之日將冬季分借支壹月

參拾玖年總督許論題稱薊鎮水潦糧貴遠調

延綏固原宣夏大水谷入衛及調古北口擺邊
兵馬間支折色不敷乞全給本色或量行議加
本部覆 准防春兵馬係遠調外鎮各處行糧
料草暫准全給本色其本處主兵行糧馬草照
舊本折間支每日口糧壹升伍合原估銀壹分
伍毫馬日給料叁升原估銀壹分貳釐今暫加
叁釐待麥熟價平仍照舊例行

肆拾年總督楊選咨要將該鎮標兵新舊家丁
壹千名月糧壹歲通給本色合營標兵陸千名
通給本色本部覆議新舊家丁壹千名每名月

在壹石壹歲通給本色延綏大同伍營挑練
壹千伍百名遼保軍貳千名挑選標軍壹千伍
百名各月糧俱照舊本折兼支其合營標兵陸
千名行糧查照地里遠近應給全支半支各准
給本色各邊不得援以為例

本年本官又題稱家丁標兵應募遠近實與客
兵同乞要不諭分布截殺在營操練一體全給
本色行糧及各兵正馱馬壹千捌百匹照例日

支料草

隆慶伍年查盤御史余希周條議申明支糧事例

密雲道屬興州等衛官軍月糧在通倉坐支其折俸布花在薊州坐支昌平道屬營州等衛月糧布花在通倉坐支其官吏折俸在薊州坐支又昌平道屬懷柔守備下軍馬月糧料草在密雲坐支官軍馬匹既在於此糧料俸布又在他鎮隔別不便稽查乞要改正本部覆議自隆慶陸年為始查將各衛月糧原在通倉者送該鎮坐支其應支錢糧應該扣解補還各鎮者俱於伍年終會計明白扣算歸併關支

本年侍郎汪道昆條議主兵額餉例不計閭閻

一歲逃故扣除之數積至叁年可當潤月之用
近年請討似非成規本部覆

准以後不許請討有違 明例

本年侍郎汪道昆題通州軍士挑選貳千肆百
名為營每名原支月糧捌斗貳照營操事例通
支壹石及稱見在馬匹要照外鎮主兵事例春
冬貳季得支料草本部議得通州伍衛軍士較
邊軍勞逸大相懸絕近查涿州保定等衛每年
秋防遠戍關塞月糧止支捌斗今選通州軍士
亦合照常支米捌斗若遇訓遣一體開支行糧

其新領馬參百匹比照舊馬貳百匹事例每年
春冬貳季止給料喂養覆 准

陸年總督劉應節題稱撤放入衛兵馬所遺地
方將各營標兵貼守原無行糧乞將客兵遺餉
給養尚書王國光議覆主兵原有本等月糧有
警應援方准支給行糧已經題有

明例不許一槩關支

本年侍郎汪道昆條議分布春秋兩防月分及
加百總守臺工食該鎮分布舊例春防參箇月
秋防肆箇月今議入行官軍延綏貳枝寧夏壹

枝每年以拾箇月為期其餘宣大遼東保定
兵及各班軍塘撥官總軍馬俱以捌箇月為期
各路傳烽軍士各標營分路防守軍兩防以肆
箇月為期其南兵守臺百總工食原與衆兵同
今計在邊捌箇月每日准加銀壹分撤防仍舊
尚書王國光覆 准

萬曆元年侍郎汪道昆條議諸將廩給例隨驛支
或支軍餉恐恣需求邊驛不堪今自薊鎮總兵
官及員下掾史照舊驛支以別體統其餘副總
兵以下一體改支軍餉以杜驛騷主客將官自

總兵以至各領班都司俱支粳米各路守備如
之提調應支粟米間有額設提調或加守備職
銜原不在額則就支本路扣餘銀內照守備例
加給本部覆 准

本年侍郎汪道昆題 准事例總兵標下中軍
稱係都指揮僉事職銜與各標不同原支粟米
伍升今比照各守備事例支粳米伍升其餘不
得援例○新設武學教授壹員准照密雲事例
支糧叁石○本鎮馱箱馬騾叁拾匹頭該鎮清
冊內按月開造亦明委屬遺漏相應照舊補造

准給料草以後不許再加○聽差夜不收原
至百人今准收造捌拾名分為兩班輪流調遣
此外不許加添○總兵家丁及副叅遊擊項下
家丁係奉

旨召募總兵叅百名副叅貳百名遊擊壹百伍拾名
除總兵家丁准照所報實數收支外其副叅遊
擊家丁徃徃捏報冒支糧料且至貳百及壹百
伍拾名數亦太多今須查各家丁見在實數曾
否軍門面視各道點驗如召募不及原數者照
舊不必一槩援引加添支給糧料俱照余御史

所題本折事例其名數年貌等項俱照各軍支糧單冊送各兵備道與管糧郎中查考造冊送部備照○松棚路家丁壹百壹拾陸名并馬匹行糧料草仍照各營路家丁事例在營全支折色出征之日本折間支○長城嶺柞子庵殺達子溝等處遠在松棚路口外准將常川擺守軍役捌拾名支給行糧各臺不許援以為例○薊州鎮馬匹支給料豆春冬箇月給與本色其餘月分給與折色每石折銀貳錢伍分仍應照舊不許妄比密雲事例一槩混給○本鎮調操軍

馬造支糧料與密雲事例相同○總兵閱視
練燒荒放兵往時隨帶人員數多費用不貲今
定以參百員名准將各員役除在營應支行糧
出外隨路造支者不許外內有原無行糧俱准
於行邊之日比照百里內外全半間支行糧料
草仍照近日糧單凡支領之時單內明註在營
常支行糧若干名在營原無行糧今支行糧者
若干名其出外支領者在營刪除在營常支者
出外不支不許兩處影射其餘副總兵以下原
無行邊不得援以為例○總兵旗牌官員向未

限以名數今定以貳拾貳員准照例支給仍各
給無馬家丁壹名以後不得加增○總兵標下
聽用將官定以拾名為額查照巡撫標下食糧
事例一體支給不得加增○馬松太參路旗軍
布花舊例一體支給書冊遺漏綿花相應查照
舊例支給○各營千把總內有武舉武生等項
原無俸糧者查得各營千把總共計捌拾捌名
除原有本等俸糧者陸拾員不計外其餘無俸
克千把總支邊糧玖斗及支南兵工食者每名
加行糧家丁壹名以示優恤其通無俸糧工食

員役補充千百把總者比照教師每月支糧貳石以後俱照額數不許加添

修邊

正德玖年本部題叅都御史王倬議修邊牆擅支糧銀伍千兩兵部不行本部查議應否輒議

准給合無行移王倬將前項糧價銀伍千兩仍聽管糧郎中作正月月糧支用若已支過照數取還其修邊合用石灰宜從兵部於太僕寺馬價及缺官柴薪皂隸銀兩徑自借支兩不妨悞仍乞勅兵部今後但遇動支錢糧事情務要移咨本部查議奏請定奪

嘉靖叁拾壹年兵部咨議薊鎮防禦班軍管房銀

兩先該咸寧侯仇鸞題將大寧都司春秋兩班
官軍免其京操改撥薊州防禦該造營房壹萬
玖千壹百叁拾間每間合用工料銀陸兩通共
銀壹拾壹萬肆千柒百捌拾兩并將領衙門伍
所用銀貳百兩共銀壹千兩議派戶兵工叁部
分出本部覆

准發銀陸萬玖千貳百肆拾兩

外工部出銀貳萬柒千柒百捌拾兩兵部

出銀壹萬捌千伍百捌拾兩

萬曆元年侍郎汪道昆題議修紫荆等關敵臺乞
發合用工費銀兩本部覆修邊銀兩本部與兵

部參米分發今查本部應出銀肆萬玖百伍拾兩先發銀壹萬伍千兩餘陸續解發

肆年總督楊兆題修薊昌貳鎮臺牆侍郎李紉

滋覆

准發太倉銀肆萬貳千兩

前年又發壹次數同

陸年總督梁夢龍題稱修工軍士勞瘁要將薊密永昌肆鎮支剩主客兵年例銀兩通融犒卹尚書張學顏覆前項支剩錢糧係已定經制叁年陸年扣除壹年京運之數難以動支止題

准發銀壹萬肆千兩

捌年發數同以後不准再發

撫夷

嘉靖貳拾玖年都御史王汝孝議處撫夷復開山

海關稅本部覆 准自中出者收陸分自遼入

者收肆分

山海舊有開稅先為修邊議開後因主事鄒聞呈稱不便奏革即今朵顏

三衛夷人生齒日繁雖有隋冬舍餘及內臣房地租銀叁千餘兩各路軍士灰價銀肆千餘兩景中山香錢壹百伍拾餘兩不發撫賞故復議抽稅

叁拾壹年總督何棟題喜峯口係朵顏三衛進

貢通衢每年給放貳次大賞用銀叁千捌百餘兩

其小賞鹽米布疋又有防秋傳報哨探夷情通

事及年終筵席所費牛羊段疋等項不貲約用

銀貳萬伍千叁百餘兩本部覆

准發銀肆千兩

肆拾年總督許論題尚書高耀覆議得撫夷銀
兩先年俱係本鎮備冬舍餘內臣房地草場地
租香錢關稅等銀處給至叁拾壹年始開請討
之端止發銀肆千兩自後總督軍門奏討帑銀
本部酌議題 准每年發銀陸千兩今稱關稅
俱罷香錢歲歛不多准量添銀壹千兩共銀柒
千兩相兼租稅等銀支用

肆拾壹年至
隆慶伍年同

隆慶陸年督撫劉應節等題撫夷銀兩本部會同

兵部覆議撫夷銀兩原係邊儲額外之數屢經
邊臣請討節年題有定額似難議增但原夷生
齒日多地租關稅香錢撫賞不足合無酌處舊
額戶兵貳部發銀壹萬貳千陸百兩戶部該銀
柒千兩外量加銀捌千兩兵部該銀伍千陸百
兩外量加銀柒千兩通前共銀貳萬柒千陸百
兩相無關稅紙贖等銀支用奉

聖旨是這銀兩依擬給發該鎮將領等官再有科削
軍糧媚虜苟免的着督撫巡按官從實叅來重處
欽此

萬曆陸年本部題發撫夷銀壹萬伍千兩兩防賞

軍銀壹萬叁千捌百餘兩

貳項銀俱春
秋貳季分發

犒賞

各邊官軍初選入衛本鎮起程每官軍先給盤
費銀貳兩過關每官賞銀叁兩軍貳兩秋畢又
每官賞銀壹兩伍錢軍壹兩

嘉靖叁拾柒年各邊入衛官軍延綏寧夏固原遊
兵肆營每官壹員賞銀壹兩每軍壹名賞銀伍
錢宣大遊兵叁營遼東各營馬步官兵提督家
丁通事俱每官壹員賞銀柒錢每軍壹名賞銀

肆錄

肆拾貳年兵部會同本部議將薊鎮各道入衛
官軍延綏寧固路遠者舊規每官壹員賞銀壹
兩今再加貳錢共賞銀壹兩貳錢每軍壹名賞
銀伍錢今再加貳錢共賞銀柒錢宣大遼東輪
流換班者每官壹員賞銀柒錢今再加銀貳錢
共賞銀玖錢每軍壹名賞銀肆錢今再加貳錢
共賞銀陸錢題奉

聖旨這錢糧你每既會議歸一都准行欽此

隆慶伍年捌月內直隸巡按御史余希周條陳并

續准總督薊遼侍郎劉應節咨討撫賞銀兩本部議覆輪戍客兵將延綏寧夏衛兵各分為兩班并標兵與同大營一體往還舊規賞銀茶錢今再加銀叁錢每名共壹兩上下半年分為貳次支給題奉

聖旨依擬行欽此

萬曆肆年延寧宣大八衛官軍及遼東密雲昌平官軍犒賞銀春防肆千貳拾伍兩伍錢秋防捌千玖百陸拾肆兩玖錢

昌平總兵標下存留陝兵止給春賞

伍年春防銀肆千肆拾貳兩捌錢秋防銀陸千

捌百柒拾壹兩陸錢

陸年春防銀肆千肆兩叁錢秋防銀陸千玖百伍拾伍兩貳錢

倉庾

永盈倉

三屯營倉

五重安倉

喜峯口倉

洪山口倉

漢兒莊倉

大安口倉

羅文谷倉

太平寨倉

青山營倉

馬蘭谷倉

將軍營倉

黃崖口倉

薊州預備倉

正統拾叁年叅議鄒來學題處各倉年深蘆蓆本部覆 准將查出朽壞蘆蓆壹拾肆萬壹千柒拾叁領作燒輓柴料備倉墻支用

弘治拾貳年郎中何文縉議三屯營設有總兵官

鎮守人馬數多且東至永平西至薊州各壹百捌玖拾里關支不便乞建倉儲將附近衛所屯糧并召商買米赴倉上納本部覆 准

拾柒年叅議熊偉議處坐撥糧草邊倉貳分腹裏倉壹分以便關支本部覆

准將守堡常操官軍於腹裏倉支巡哨守把官軍於本營倉支

本年郎中趙鶴條陳均耗折本部議 准每糧壹石遞減壹升草粃浥爛許於附餘草內開除嘉靖肆拾貳年總督楊選題稱比照有司衙門建

設預備倉事例除本部倉廩外於各提調守備
把總駐劄管城另建倉廩仍借出民兵工食銀
兩起時召買及畧放常平之法專備年荒賑貸
或遇警調集權宜借散之用本部查得沿邊原
設倉廩尚有餘空就於其中另立備賑廩座間
有地遠不便關支處所量動巡撫贖銀兩另
蓋倉廩貳叁間即於河南解到民兵工食銀內
准借出捌千兩多方召買此後督撫兵備衙門
遇有開營事犯查照應留備賑事例分數應問
贖穀者即於各倉上納專備年荒軍士借貸待

秋成抵斗還官每石加耗壹斗不許多取利息
或遇虜警調集非常本部原貯本色不敷亦許
權宜借散事宜照常支扣補其無警之時不得
輕准那移仍聽本部管糧郎中稽查禁革奉
聖旨依擬行欽此

隆慶陸年順天巡撫楊兆谷尚書張守直題

准修濟薊州迤東至遵化縣西南地名平安城一帶
河道可運舟楫平安城建立倉廩分貯漕糧備
馬松太平等路營就近關支以省勞費仍將太
平寨大使調平安倉專司收放

萬曆捌年御史茹宗舜題稱薊鎮商人守支困累
尚書張學顏議薊密永昌易伍鎮自本年冬季
為始如遇應買糧草酌定時估呈部召商聽管
糧通判監收交與官攢支放再干涉商人若
草束堆垛伍年之外中有虧泔管糧官會同兵
備道查無情弊具呈撫按照遞減倉糧例題
請豁免其查盤倒厥拆垛具呈巡撫行令該道嚴督
同城府州縣衛所掌印官撥發在官人役與倉
場見役人等一同盤驗著為定例覆奉

聖旨是欽此

職儲

宣德陸年本部題議永平山海薊州等處係是邊

關操備軍馬糧儲浩大要行銓官整理奉

聖旨是欽此

是年吏部題

准選除起復鴻臚寺少卿張隆請勅前去後陞通政司奉議

總督糧儲

正統拾壹年鎮守薊州總兵應城伯孫傑題專官

分管事務本部覆准將永平山海界嶺口林

南東店等倉一應收放料草令山海衛管糧主

事任榮管理其遵化薊州喜峯劉家口等處糧

草令應城伯孫傑管理及山東僉事姜永俱協

同參議張隆兼管

本年張隆致仕本部分官係推郎中鄭泰學陞直政司右

參議接管歷陞右副都御史李賓天相陞北順人推京堂官

管王弘治始專設郎中

弘治拾捌年郎中趙鶴呈稱駐劄薊州帶管密雲

古北口一帶不便本部題 准除紫荆倒馬等

關照原差主事監督其密雲居庸等處仍差主

事貳員專一整理邊儲添設判官參員盡行革

除

嘉靖拾叁年都御史張嵩題議邊儲浩大請設專

官管糧本部覆 准照山陝沿邊事例添設通

判壹員

叁拾壹年給事中李幼滋題督餉委官無地方之責一應號令不行請專責巡撫等官本部覆准召商買納聽督撫嚴令守巡等官處置其監督主事止收掌稽查

叁拾柒年兵部郎中唐順之閱視薊鎮各區兵額數少糧餉冒支數多本部覆

准將石門石塘渤海居庸鎮遼五區三屯建昌二營各該造送糧冊等官通行提究查照冒支過錢糧分別情罪上請定奪奉

聖旨這各區缺少兵數叁萬不行查補一卒不練督撫等官所幹何事兵部從實叅看了來說欽此

臣等謹按薊鎮故稱腹裏鮮邊警在前兵食自民屯之外即有鹽引京運通計不過陸萬而足矣自古北潰後漸稱多事兵餉日增至與昌密永平析為四而各供億焉今即以薊論之歲用本折銀蓋伍拾柒萬有奇矣較前全鎮時何啻倍蓰哉然彼中兵糧即有緩急轉漕可達故儲庠之策不足深慮惟所最難清覈者在收放間爾蓋其地邇京師請託易至而雜造局南海

